

**GiuRu**

Giuventetgna Rumantscha
Hohenbühlweg 4
7000 Cuira

www.giuru.ch
giuru@giuru.ch



Invit a la radunanza generala 2020

Preziada commembra, prezia commember

La suprastanza envida tai cordialmain a la 29avla radunanza generala da la GiuRu. Quella ha lieu sonda saira, ils **21 da mars 2020** en il Surmir en las localitads da la scrinaria Uffer SA en vischinanza da la fermada **Savognin, posta**. La radunanza cuzza in'ura e cumenza a las 15:30 direct suenter che la posta arriva a Savognin. Custs da viadi po la GiuRu surpigliar senz'auter, nus duvrain be ina fotografia u in scan dal bigliet da tren.

Nus preparain questa radunanza en collavuraziun cun la SRG SSR che offrescha in apero. Per in intermezzo divertent procura RTR cun perlas ord ses archiv. I faschess grond plaschair da pudair beneventar uschè bleras giuvnas e giuvens a nossa radunanza sco pussaivel per pudair discutir davart la GiuRu ma era las structurass e la purschida da la SRG SSR. Nus da la GiuRu essan fitg cuntents che nus pudain collavurar per questa chaschun. Dapli infurmaziuns anc davosvart.

Tractandas da la radunanza generala 2020:

1. Bainvegns
2. Elecziun d'in dumbrauschs
3. Approvaziun da la glista da tractandas
4. Protocol da la RG 2019
Il protocol na vegn betg prelegì. Ti al pos telechargiar a partir dal mars sut: www.giuru.ch/#telechargiar
5. Rapport annual 2019
6. Rendaquint 2019 e preventiv 2020
7. Elecziuns e reelecziuns per la suprastanza
Elegì u reelegì vegnan ils posts da l'actuara, dal vicepresident e dad ina assessura
8. Plans e projects 2020
Cuntinuaziun vuschs giuvnas, scuntradas cumadaivlas, GiuRuSuns,...
9. Discussiun
Seminari da la YEN 2021, strategia da la Lia Rumantscha, engaschi al SUFO S. Gagl 2020,...
10. Varia

Commembers e commembras da la GiuRu n'èn betg obligadAs da pajar ina **contribuziun annuala**. Nus ans legrain da pudair beneventar tai a la radunanza generala ed al lavuratori organisà da la SRG SSR.

Cordialmain salida la suprastanza

Uolf Candrian, Maurus Bundi, Michelle Parli, Vital Albin, Asa S. Hendry e Naomi Arpagaus
president da la GiuRu, vicepresident da la GiuRu, actuara da la GiuRu, cassier da la GiuRu, assessuras da la GiuRu



Lavuratori: Tge pensa la giuventetgna da la SRG SSR?

Gea, nus stuain conceder...ella è in pau cumplitgada...la structura da la SRG SSR. La SRG SSR è numnadain d'ina vart ina societad (la societad svizra da radio e televisiun) e da l'otra vart purtadra da la pli grond'interpresa da medias electronicas cun emetturs da radio e televisiun (SRF, RTS, RSI, RTR e SWI) ed ina purschida online. La societad cun sedia a Berna consista da quatter societads regionalas ch'èn situadas en mintga regiun linguistica. Ina da quellas è la SRG SSR Svizra Rumantscha (SRG.R).

Tenor la concessiun è la SRG obligada d'offrir a tut las regiuns linguisticas da la Svizra ina purschida da medias multifara en ils secturs divertiment, furmazion e cultura. Per realisar quest'incumbensa survegn ella ina part da las taxas che vegnan incassadas da la Serafe (pli baud Billag).

Suenter che l'iniziativa «No Billag» ha fatg naufragi il mars 2018 ha la SRG annunzià refurmas. Per intervegnir co la populaziun recepescha las valurs dal service public da la SRG, tge ch'ella spetga da la SRG e co quella po meglierar sia purschida è vegnida lantschada ina analisa. Cun retschertgas a bucca ed er online ha ella tutgà il puls a la populaziun. La SRG.R ha l'incumbensa d'approfondar set temas ch'èn sa resultads da questas retschertgas. Tranter auter vulain nus savair co la SRG po en il futur cuntanscher, pledentar ed involver meglier persunas giuvnas e co la SRG po far anc pli vesavla la diversidad en Svizra?

Nus ans allegrain d'envidar la GiuRu a quest lavuratori ils 21 da mars 2020 a chaschun da vossa radunanza generala che cumenza a las 15:30 en las localitads da la UFFER SA a Savognin.

Cordials salids

Vincent Augustin
president da la SRG.R

program da la saira

15:30 radunanza generala GiuRu
16:45 lavuratori ed apero SRG.R
18:00 perlas ord l'archiv da RTR

A partir da las 16:45 è l'occurenza a Savognin averta per il public che na fa betg part da la GiuRu. Giuvenils interessads en la tematica dal lavuratori da la SRG.R pon era far part a la scuntrada da la giuventetgna rumantscha a Savognin senza ina commembranza tar la GiuRu. Era la radunanza è averta per tut ils interessads. Ina commembranza per dar tia vusch a nossa organisaziun tetgala faschess dentant fitg plaschair e dess dapli paisa a noss engaschi.

urari dal tren

| partenza | davent da |
|----------|---------------|
| 12.44 | Mustér |
| 13.24 | Glion |
| 13.58 | Cuira |
| 13.02 | Puntraschigna |
| 12.26 | Zernez |
| 11.41 | Scuol |
| 12.37 | Turitg |

Fermativa: Savognin, posta

Pussaivel è da bandunar la scuntrada cun la penultima posta a las 18:45. L'ultim auto da posta parta a las 19:40 cun colliaziun vers Cuira, la Surselva e l'Engiadina. Tut las spesas da viadi cun il traffic public vegnan pajadas enavos da la GiuRu. Nus ans legrain da sa vesair.